

# *Ukiumoortumik nalunaarsiaq* **2024**

#### **Ukiumoortumik nalunaarusiaq 2024**

UNICEF i Grønland  
Aqqusinersuaq 23A, 3900 Nuuk

*En del af Den Danske UNICEF Fond  
Rentemestervej 62, 2400 København NV*

Email: [info@unicef.gl](mailto:info@unicef.gl)  
Telefon: +45 35 27 38 14

[www.unicef.gl](http://www.unicef.gl)

# Imaqarnera

Siulequt  
Tina Dam

04 →

Nakuusa: Ukiuni  
15-ini meeqqanik  
peqataatitsineq

05 →

Nuna tamakkerlugu  
ilinniartitsisut attave-  
qaatillu Kangerlussu-  
armi kateripput

06 →

2024-imi meeqqat  
ataatsimeersuar-  
neranni politikkerit  
inuusuttullu naapeqa-  
tigiipput

07 →

Meeqqat inuusuttullu:  
"Internetsimiinnitsin-  
ni illersorneqarnissaq  
pisinnaatitaaffigaar-  
put"

08 →

Meeqqat innersuus-  
sutaat politikkerinit  
tiguneqarput

09 →

Meeqqat oqaase-  
qartartuat: "Parisimi  
isumaqatigiissut aal-  
larniutaannaavoq"

10 →

COP29-imi silap  
pissusaa pillugu  
oqallinnermi kalaallip  
inuusuttup nipaa

11 →

Naalagaaffinni Pe-  
qatigiinni immikkut  
ilisimasallip kalaallit  
meerartaannut atu-  
gassarititaasut er-  
nummatigai

12 →

Suleqatigiinneq  
sunniuteqarteq

13 →

Meeqqanut inuusuttunullu ti-  
mersoqatigiiffiit toqqissinartut

14 →

Pisiffimmi sulisut inuusuttut  
misilittagalimmik ikorfartorte-  
qalerput

16 →

Pisinnaatitaaffiit nerisassallu  
peqqinnartut skemami

17 →

Nuna tamakkerlugu meeqqat  
nalliuttorsiuutigineqarput

18 →

SIULEQUT

# "Meeqqanik peqataatitsineq piviusoq tamatsinnut pingaaruteqarpoq!"

Akornuserneqarani isummamik annissisinnaaneq meeqqat pisinnaatitaaffigaat. Isummamik tusarneqarnissaa ataqqineqarnissaalu pisinnaatitaaffigaattaq. Pisinaatitaaffiit taakku Naalagaaffiit Peqatigiit meeqqap pisinnaatitaaffii pillugit isumaqatigiissutaani artikel 12-imi ersarissumik allassimapput. Toqqammavisarlu aalajaatsoq taanna najoqqutaralugu Kalaallit Nunaanni UNICEF-imi sulivugut.

Piviusiumik toqqissinartumillu peqataatitsineq meeqqat ineriartornerannut, imminnut naleqartinnerannut ki-naassuseqalernissaannullu pitsaasumik sunniuteqarpoq. Taamaamat meeqqanik peqataatitsinermik pimo-orussinissaq, inuiaqatigiittut uatsinnut pingaaruteqarpoq.

Naalakkersuisunut suleqatigiinnisamik isumaqatigiissusiornermut atatillugu ukiut 15-ingajaat matuma sior-na NAKUUSAp UNICEF-imit pilersinneqarneraniit, meeqqat pisinnaatitaaffiisa nunatsinni eqquutsinneqarnissaannik – minnerunngitsumik meeqqat tusaaneqarnissamik pisinnaatitaaffeqarnerannik siuarsaanissaq, qasusuilluta suliniutigaarput. Meeqqat Isummorsorfii arfineq marluusut Nakuusaaqqallu aqqutigalugit, nuna tamakkerlugu atuarfinni amerlasuuni, meeqqat aalajangiinerni, taakkununga sunniuteqartuni, peqataatinnissaannut tusarniaaviginissaannullu periarfissippagut.

Qujanartumik meeqqat misilittagaannik isumaannillu naalaarnissamut politikkikkut piumassutsip, najukkani nunalu tamakkerlugu, annertusiartornera misigaarput. Taamaalllutik 2024-imi angerlarsimaffimmi imigassaq toqqissisimannginnerlu pillugit meeqqat oqaatigisaat attortinnartut, ukiuni arlalinni ilisimatusarnermik tunnga-veqartumik, imigassaq pillugu politikkissamut innersuussusiornermi ilanngunneqarput.

Taamaapportaaq, Meeqqat Isummorsorfiineersoq nunatta pisortatigoortumik Parisimi isumaqatigiissummut akuersineranut atatillugu, oqalugiarnissamut qaaqquneqarmat.

Tamanut meeqqanik tusarnartunut, ilissinnullu - uatsituut – ullut tamaasa pisinnaatitaaffiiniq qulakkeeriniarlutik suliniuteqartunut qamannga pisumik qujarusuppugut. Suleqatigisartakkagut tapersersortigullu pitsaasut, meeqqanut taakkulu pisinnaatitaaffiinit suliniuteqarnermi pingaruteqarluinnartumik tunniussaqtut, immik-kut qutsavigerusuppagut. Qujanarujussuaq!

Kalaallit Nunaanni UNICEF NAKUUSAlu sinnerlugit



**Tina Dam**

Kalaallit Nunaanni  
UNICEF-imi suliniutinut pisortaq

NAKUUSA

# Ukiuni 15-ini meeqqanik peqataatitsineq

NAKUUSA aqqutigalugu, ukiuni 15-inngulersuni sammisanik namminerminnut pingaarutilinnik oqalliffissamik ataavartumik toqqissinartumillu, UNICEF meeqqanut tunniussivoq. Meeqqat pisinnaatitaaffii pillugit isumaqatigiisummi artikel 12 naapertorlugu tusaaneqarnissamut pisinnaatitaaffeqarnerat pissutigalugu taamaaliorpugut. Meeqqat naligiimmik innuttaaqataapput naligiimmillu pisinnaatitaaffeqarlutik. Taamaammat taakku misilittagaat isumaallu inersimasutulli naleqartigaat. Meeqqammi tassaapput nammineq inuunerminnik immikkut ilisimannittut. Taamaammat nalaarnerisigut ilikkagaqarfigisinnaavagut. Taamaammallu isumaat ilisimasaallu ataqqissavagut. Meeqqat inuusuttullu inuiaqatigiinnut pitsaasunik tunniussisinnaallutillu tunniusserusupput.

Meeqqat peqataatinnerisigut naalaarnerisigullu, tamat oqartussaaqataanerannik oqaloqatigiinnernillu pingaarutilinnik ilinniartittarpagut. Taamaaliornitsigut siunissami innuttaaqatinik inuiaqatigiinnut tunniussaqaarnissaminnik kajumittunik pilersitseqataassaagut. Naalaarnissannik pingaartitsinitsinnik ilinniartissavagut- taamaalillutalu imminut tatigilersillugillu pimoorussilersissavagut.

Taamaammat NAKUUSAmi Meeqqat Isummersorfiinik arfineq marlun-  
nik - Avanersuarmi, Avannaani, Qeqertalimmi, Qeqqani, Sermersuumi, Kangiani Kujallermilu pilersitsivugut. Ukiut tamaasa inuusuttut Meeqqat Isummersorfiineersut, meeqqat ataatsimeersuarneranni naapeqatigiit-  
tarput, taakkunanilu sammineqartussat namminneq toqqartarpaat, in-  
nersuussutitillu oqaasinngorlugit nunatsinni politikerinut, inersimasunut  
nalinginnaasunut, meeqqanut inuusuttunullu allanut apuuttarlugit. Inner-  
suussutit naapertuuttut pimoorunnissaat iliuuseqarfiginissaallu, ataatsi-  
moorluta akisussaaffigaarput.

Tamatuma saniatigut – nuna tamakkerlugu atuarfinni katillugit 33-ini elev-  
rãditut ittunik pisinnaatitaaffinnik tunngaveqartunik – Nakuusaaqqanik  
pilersitsivugut. Nakuusaaqqat tassaapput nunatsinni atuarfinni meeqqat  
oqaaseqartartui-pingaartumik apeqqutit nalerisimaarnermut, ilinniarnern-  
mut ineriartornissamullu tunngasut pineqarpata- meeqqat inuusuttullu  
ullunut atuarfigisaminnut sunniuteqarnissaannut periarfissiisut.

KISITSISIT PINGAARNERIT

**Meeqqat Isum-  
mersorfii arfineq  
marluk katillutik 43-  
inik ilaasortaqarput**

**Atuarfiit 33-it  
Nakuusaaraqarput  
(pisinnaatitaaffiit  
pillugit atuartunut  
siunnersuisoqatige-  
eqarput)**





# Nuna tamakkerlugu ilinniartitsisut attaveqaatillu Kangerlussuarmi kateripput

Nuna tamakkerlugu ilinniartitsisut, atuarfinni Nakuusaaqqanik atuartunut siunnersuisoqatigiilinni meeqqat pisinnaatitaaffiik ingerlatitseqqiisutut, pingaarutilimmik inissisimapput. Nakuusaaqqani ilinniartitsisunngorlaat ilinniartitsisooreersullu, meeqqat pisinnaatitaaffii meeqqanillu peqataatitsineq pillugit ilisimasanik nutaanerpaanik tuniorarniarlugit, ukiut tamaasa ilinniartitsisut isumasioqatigiissinneqartarput. Tamatumani aamma kommunini attaveqaatit, NAKUUSAmi Meeqqat Isummersorfiini anguniakkat angunissaannut, inuusuttunut ikiuuttutut tapersersuisutullu nalissaqannigsumik inissisimasut, peqataasarput.

2024-imi martsimi septembarimilu ilinniartitsisunik Kangerlussuarmi internetsikkut isumasioqatigiissitsinitsinni, nuna tamakkerlugu ilinniartitsisut 33-it saaffissallu sisamat kateripput.


Ilinniartitsisunik isumasioqatigiissitsisarneq pingartuuvoq, tamatumani ilinniartitsisut saaffissallu naapillutik misilittakkaminnik paarlaaseqatigiissinnaasarput ilinniagaqassutsikkullu attaveqarfimminnik, nunarput akimorlugu nukittorsaasarlutik. Ukioq manna isumasioqatigiinneq- ilaatigut meeqqat pisinnaatitaaffii pillugit isumaqatigiissummik ilinniartitsisunngorlaanullu ilinniartitsinermi atortussanik saqqummiussinermik imaqarpoq, misilittagallilu Siunissaq qulequtsiullugu suleqatigiisuteqartitsinermi /workshop, meeqqat pisinnaatitaaffiitut periarfissanik nutaanik ukkassisumi peqataallutik. Peqatigiiffik Kalaallit Meerartaat; Tassa! Qulequtsiullugu nakuusinnginnissaq pillugu paasititsiniumminik saqqummiussivortaaq

KISITSISIT PINGAARNERIT

**Atuarfiit  
katillugit 33-it  
Nakuusaaqarput**

**Nakuusaaqqani  
ilinniartitsisut  
38-iupput**

**Kommunini  
tallimaasuni  
attaveqaatit  
katillutik aqqaneq  
marluupput**





MEQQAT ATAATSIMEERSUARNERAT

# 2024-imi meeqqat ataatsimeersuarneranni politikkerit inuusuttullu naapeqatigiipput

Ilaatigut borgmesteri Ane Hansen Naalakkersuisoqarfimmilu pisortaq Heidi Lindholm peqataapput.

Nuna tamakkerlugu inuusuttut 2024-mi NAKUUSAp ukiumoortumik meeqqanut ataatsimeersuartitsinerani naapeqqipput. Nutaatut Naalakkersuisut nunatsinnilu borgmesterit immikkut suleqatigiissuteqartinneqarnissamut/workshop, ukioq taanna sammisaq meeqqanillu peqataatitsinerup pingaaruteqassusaa pillugit saqqummiussivigineqarnissamut qaaqquneqarput. Ullup naalernerani meeqqat politikerillu, meeqqat ataatsimeersuarneranni peqataasut, NAKUUSAmi oqaloqatigiissinneqarput. Politikerinit peqataasunit isummorsornerit pitsaasut nuannaarutigeqaagut, aappaagulu amerlanerusut peqataasinnaanissat neriutugalugu.

Inuusuttut 34-it nunatsinni Meeqqat Isummorsorfiineersut, ukioq manna Ilulissani meeqqat ataatsimeersuarneranni kateripput. Taakku meeqqat inuusuttullu internetsimi illersorneqarnissaasa meeqqat ataatsimeersuarneranni sammineqarnissaa aalajangerpaat.

Vivi Fleischer-Motzfeldtip nammineq misigisani aallaavigalugit inuusuttut peqataasut avitseqatigai, immikkut ilisimasallik Red Barnet-imeersunut saqqummiipput, Meeqqanik katsorsaasut angalasartut, internetsikkut innarliinerit- minnerunngitsumik nammineq nalunngisalluunniit internetsikkut innarlernerqarpata, qanoq iliuuseqarfigineqarsinnaanerannik saqqummiussipput.

AALAJANGERSAGAQ 2024

# Meeqqat inuusuttullu: "Internetsimiinnitsinni illersorneqarnissaq pisinnaatitaaffigaarput"

**"Internetsikkut innarliinerit pillugit – ass. filminik naatsunik Snapchatimi, TikTokimi, Instagramimi Facebookimilu takutitsinikkut paasititsiniaasoqartariaqarpoq"**

**"Meeqqat isumapiloqartumit tatiginnilersinniarneqarpat allatigulluunniit innarligaappat, meeqqap pisuutinngisaannarnissaa pingaaruteqarpoq."**

**"Uagut meeqqat inuusuttullu ataqqeqatigiittariaqarpugut, ataatsimoornitsinnilu tamatta inissaqartariaqarpugut – inuit attaveqatigiittarfiini aamma."**

Inuusuttut Meeqqat Isummorsorfiineersut ukiumoortumik meeqqat ataatsimeersuarneranni innersuussutit oqaatigisaat, ilaatigut taama nipeqarput. Tamatumani politikkerinut aalajangiisartunullu, angajoqqaanut inersimasunullu allanut, atuarfinnut inuiaqatigiinnullu kiisalu meeqqanut inuusuttunullu allanut, internetsimiinnerup toqqissinernerunissaa pillugu, katillugit aqqanilinnik, innersuussuteqarput.

ISERFISSAQ

**2024-imi  
aalajangersakkami  
innersuussutit  
tamakkerlugit uani  
takukkit**





AALAJANGERSAGAQ 2024

# Meeqqat innersuussutaat politikkerinit tiguneqarput

Novemberip ulluisa 29-ianni, nuna tamakkerlugu Meeqqat Isummorsorfiini inuusuttut, internetsimi meeqqanik inuusuttunillu illersuinerunissaq pillugu innersuussutitik, Naalakkersuisut siulittaasuannut Múte B. Egede-mut, borgmestetinut arlalinnut kommuniniillu aallartitanut tunniuppaat.

**"Maannamut oqarsinnaavugut uagut meeqqat inuusuttullu onlinekkut akisussaasuniit illersorneqarnata! Massakkut iliuuseqartoqartariaqarpoq!"** 15-inik ukiulik Lene inuusoqatini sinnerlugit aalajangersakkamik tunniussinermut atatillugu oqalugiarnermi, taama oqarpoq.

Oqalugiartup inuusuttup oqalugiaanni takkuttunut kaammattuummik ersarissumik naggaserpaa:

**"Neriutigaarpullu tamanna politikkerit ullumikkut peqataasut siunnersuutigit piloorullugit iliuuseqarfigiumaaraat. Aammalu aaliangersakkamik anngussereernerup kingorna suliap qanoq ingerlanera sumullu killinnersoq paasitinneqartarumaarluta.**

**Ataatsimoorluta nukittuneruvugut. Tamatta suleqatigiilluta online-kkut attaveqaqatigiinneq nuannersuutitsigu."**



MEEQQAT OQAASEQARTARTUAT:

## "Parisimi isumaqatigiissut aallarniutaannaavoq"

Saamerlerniit: Dan Jørgensen, Kalistat Lund, Nicklas aamma Simon Stiell

**" Parisimi isumaqatigiissutip akuerineqarnera alloriarneruvoq pingaarutilik aallarniutaannaallunili. Siunissaq tamatsinnut attanneqarsinnaasoq isumannaatsorlu qulakkeerniarlugu suleqatigiinneq nangissavarput, immitsinnut naalaassaagut iliuuseqarlutalu."**

Nunatta juuni qaammat Parisimi isumaqatigiissut pisortatigoortumik akuerimmagu, 14-inik ukiulik Nicklas, kalaallit meerartaat inuusuttaallu sinnerlugit oqaaseqartoq, taama oqarpoq. Nicklas NAKUUSAmi Meeqqat Isummorsorfiini ilaasortaavoq, nalliuttorsiuutiginninnermi oqaaseqartussatut ilaatigut Naalagaaffinni Peqatigiinni silap pissusaa pillugu allattoqarfimmi pisortaq Simon Stiell, Nunalerinermut, Immittut Pilersornermut, Nukissiuutinut Avatangiisinullu Naalakkersuisoq Kalistat Lund, tamatumalu nalaani inerisaanermut nunarsuarmilu silap pissusaa pillugu politikkimut ministeri Dan Jørgensen peqatigalugit, qaaqqusaalluni.



Selma de Montgomery (saamerleq) aamma Maya-Natuk Rohmann Fleischer (talerperleq) Baku-mut aallanginnerminni.

Novembari qaammat, 18-inik ukiulik Maya-Natuk Rohmann Fleischer, Kalaallit Nunaanni UNICEF nunat-sinnilu meeqqat inuusuttullu sinnerlugit, silap pissusaata allanggornera pillugu ataatsimeersuarnermi peqataajartorluni Aserbajdsjanimi illoqarfiit pingaarnersaannut Baku-mut ungaseqisumut angalavoq.

Maya-Natuup- pingaartumik issittumi nunap inoqqaavisa inuusuttaasa, silap pissusaa pillugu ataatsimeersuarnermi sinniisoqarnissaat tusarneqarnissaallu soqutigisaraa.

***"Sermersuup aakkiartornerata immallu sikueriartornerata, silap pissusaa nunarsuarmilu inuit ta-maasa sunnerpai. Uagullu issittumi meeraasugut inuusuttuusugullu annertuumik eqqugaavugut. Pingaartumik nunap inoqqavisa- inuit, saamit nunallu inoqqaavi allat pinngortitamut atalluinnar-lutik inuunerat pissutigalugu- meerartaat inuusuttaallu eqqugaapput. Silap pissusaata allann-gornera siunissatsinnut pisinnaatitaaffitsinnullu aarlerinartorsiortitsivoq. Taamaammat issittu-mik nunallu inoqqaavisa meerartaannik inuusuttaannillu ukkassinissarput pingaaruteqaqaaq. Massakkut iliuuseqartoqartariaqarpoq,"*** Maya-Natuk erseqqissaavoq.



# Naalagaaffinni Peqatigiinni immikkut ilisimasallip kalaallit meerartaannut atugassarititaasut ernummatigai

Saamerlerniit: Naalagaaffinni Peqatigiinni immikkut ilisimasalik Cecilia Bailliet, ICC-ip siulittaasua Sara Olsvig, suliniutinullu pisortaq Tina Dam.

Inuit pisinnaatitaafiinik nunallu tamalaat akornanni nammaqatigiinnermik immikkut ilisimasalik arlaanna-annulluunniit attuumassuteqanngitsoq, Naalagaaffiit Peqatigiineersoq Cecilia Bailliet, nunatsinnut Danmarkimullu tikeraarnermini, aprilimi Nuummi UNICEF-ip allaffianut pulaarnermini, nunatsinni meeqqat atugarisaat pillugit ernumassutini arlaliusut oqaatigai.

*"End of Mission Statement"* (Anguniakkap angunissaanut iliuuserisanut nassuiaammi) arnanut meeqqanullu nakuusertarnermut kinguaassiuutitigullu innarliisarnermut annertunerujussuarmik iliuuseqar-toqarnissaata pisariaqarnera, ilaatigut tikkuarpaa. Meeqqanut pinerlineqarsimasunut imal. pinerlun-nermik takunnissimasunut – allatigulluunniit anigoruminaatsumik nalaatsisimasunut pitsaanerusumik ikiuisoqarsinnaanissaa ujartorpaa.

Naalagaaffinni Peqatigiinni immikkut ilisimasallip, anguniakkap angunissaanut iliuuserisanut nas-suiaammini, nunarput Danmarkilu nersualaarpaattaq. NAKUUSAp- Meeqqat Isummorsorfiisigut, meeqqallu pisinnaatitaaffii pillugit isumaqatigiissut inuillu pisinnaatitaaffii pillugit nunarsuarmioqatigiin-nut nalunaarut naapertorlugit, meeqqat oqaaseqarnissaannut pingaarutilimmik periarfissikkaat, Cecilia Bailliet-ip ilaatigut oqaatigaa.



## Suleqatigiinneq sunnuteqartoq

Suleqatigiinnerit nukittuut, suleqatigiinnissamut isumaqatigiissuteqarfigisat tapersersortillu, meeqqat pisinnaatitaaffiinnik ilisimasaqarnerup siammarterneqarnissaanik Kalaallit Nunaanni UNICEF-ip suliniuteqarnerani – pisinnaatitaaffiillu meeqqat inuusuttullu ulluinnarni inuuneranni ilanngunneqarnissannut pingaaruteqarlunnarput.

Taamaalilluni meeqqat suleqatiginissaannik isumaqatigiissummik taallugu, Kalaallit Nunaanni UNICEF - suliniaqatigiiffinnik allanik arlalinnik, attaveqaatinut- nunatsinni meeqqat pisinnaatitaaffiisa atugarisaasalu siuarsarneqarnissaannik suliniuteqartunut nukittuunut- ilaavoq. Matumani pineqarput Meeqqat pisinnaatitaaffiinnut sullissivik MIO, Peqatigiiffik Kalaallit Meerartaat, KRK-INUA (Røde Korsip Inuusuttai) kiisalu Red Barnet. Tamassinnut uummammit pisumik qujangaarpugut.

Suliffeqarfinnik, peqatigiiffinnik suliniaqatigiiffinnillu- peqatigaluta meeqqat pisinnaatitaaffiinnik siuarsanissamik toqqaasimasunik suleqateqarneq- Kalaallit Nunaanni UNICEF-imi aamma nuannaarutigearput qujamasuutigalugulu. Naggataagullu suliffeqarfiit aningaasaateqarfiillu, UNICEF-ip meeqqat pisinnaatitaaffii pillugit suliniutaannut aningaasatigut nalissaqanngitsumik tapersiisut qutsavigingarpagut. Immikkoortuni tulluuttuni suleqatigiinnerit taakku annertunerusumik paasisaqarfigisinnaassavatit:

# Meeqqanut inuusuttunullu timersoqatigiiffiit toqqissinartut

Timersoqatigiiffiit toqqissinartut, meeqqanut tamanut inissaqartitsisut, meeqqanullu tamanut tikilluaqqusaasutut misigititsisut. Ataatsimoorluta Aalasa qulequtsiullugu suliniummi, Kalaallit Nunaanni Timersoqatigiit Kattuffiaannit Kalaallit Nunaannilu UNICEF-imit- Isumaginninnermut Aqutsisoqarfimmi pitsaaliuinnermut immikkoortortaqaarfik Paarisa kiisalu Innuttaasut Peqqissusaannik ilisimatusarfik qanimut suleqatigalugit, tamanna anguniagaavoq. KNI aningasaateqarfillu Nordea-fonden nalissaqanngitsumik suliniummumut tapersersuipput.



## PEQATAASA: "*Lad os være med*"

Meeqqat inuusuttullu peqataatinneqarnissaat, tusaaneqarnissaat timersornerup silarsuaani sunniteqarnissaat qulakkeerniarlugit, nunarput tamakkerlugu Meeqqat Isummersorfii - PEQATAASA – meeqqanit 14-init, aqqaneq marlunniit 16-inut ukiulinnit peqataaffigineqartoq, Kalaallit Nunaanni Timersoqatigiit Kattuffiata 2024-imi pilersippaa.

PEQATAASA ilaatigut meeqqat inuusuttullu amerlanerusut, qanoq timiminnik aalatitsinerulernissaannut siunnersuusiussaaq qanorlu iliornikkut timersornermi toqqissinartunik toqqammavissiiinnermut isummersuilluni. PEQATAASA-mi innersuussutitik siulliit, Kalaallit Nunaanni Timersoqatigiit Kattuffianni ukiumoortumik ilaasortanik ataatsimiisitsinermi, saqqummiuppaat.

## Peqatigiiffiit tamarmik meeqqat pillugit politikkeqassapput

Ataatsimoorluta Aalasaqut atatillugu Timersoqatigiiffiit Kattuffiat, timersornermi avatangiisinut meeqqanut inuusuttunullu toqqissinartunut peqataatissumullu maleruagassaqaarlunilu innersuussutitalimmik, 2024-imi meeqqat pillugit politikkiliorpoq. Timersoqatigiiffiit- Timersoqatigiiffiit Kattuffiannut ilaasortaasut tamarmik, timersornermi meeqqanut inuusuttunullu toqqissinartunik inuttullu akuuffiusumik avatangiiseqarnissaq qulakkeerniarlugu, namminneq maleruagassiornissaat periusissiorinissaallu anguniagaavoq.



**Meeqqanik pinerliisimannginnermut uppersaats – eqqaamallugu!**

Ukioq 2024 tassaavortaaq Ataatsimoorluta Aalasap "Meeqqanik pinerliisimann-ginnermut uppersaats eqqaamallugu!" qulequtsiullugu paasititsiniummik; juu-nimi, juulimi aggustimi septemberimilu TV-kkut inuillu attaveqatigiittarfiisigut takutinneqartartumik saqqummiussivia. Tamatuma peqatigisaanik peqatigiif-fiit tamarmik- sungiusaasunit namminerlu piumassutsiminnik sulisunit, ukioq pisoqarfiusussa aallartitsinnagu, meeqqanik pinerliisimannginnermut upper-narsaatinik pissarsiniarnissaannik eqqaasitsissutsinik allaffigineqarput.

Ataatsimoorluta Aalasa uani annertunerusunik paasisassarsiorfigiuk:

[www.ataatsimoorluta.qif.gl](http://www.ataatsimoorluta.qif.gl)



# Pisiffimmi sulisut inuusuttut misilittagalimmik ikorfartorteqalerput



Nuummi Pisiffimmi misilittagalittut ikorfartuisutut ilinniarnerminnik naammassinnerlaat

Kalaallit Nunaanni UNICEF-imik qanimut suleqateqarnikkut, Pisiffinni meeqqanik inuusuttunillu isiginnittariaaseq, meeqqap pisinnaatitaaffii pillugit Naalagaaffiit Peqatigiit isumaqatigiissutaannik tunngaveqartoq inerisarneqarpoq, tamatumunngalu atatillugu inuusuttunut Pisiffinni sulisunut misilittagalimmit ikorfartuisoqarneq inerisarneqarluni.

2024-imi misilittagalittut ikorfartuisut 17-it, suleqatinik inuusuttunik ikorfartuisussat, suliffimmi nalerisimaarnerulersitseqataallutillu toqqissisi-manerulersitseqataasussat, ilinniartinneqarput. Taama aaqqissuussineq, sulisut inuusuttut ilinniarnissaannut, suliffimminnik attassiinnarnissaannut kajumissarissaartaaq – sunngornissamullu tunngavissiilluni.

KISITSISIT PINGAARNERIT

**Pisiffimmi sulisut  
inuusuttut 72-it  
misilittagalimmik  
ikorfartorteqalerput**

# Pisinnaatitaaffiit nerisassallu peqqinnartut skemami



Novembarimi illoqarfinni qulaaluani nunaqarfinnilu 14-ini atuarfinni 27-ini atuartut 467-it, nuna tamakkerlugu iganermut ullorititami IGASA-mi peqataapput. Ukiut tamaasa nuna tamakkerlugu atuartut peqqinnartunik nerisassiortarput tamatumalu peqatigisaanik ataatsimoorneq meeqqallu pisinnaatitaaffii ilinniartarlugit.

IGASA Isumaginninnermi Aqutsisoqarfiup pitsaaliuinnermut immikkoortortaata Paarisap Kalaallit Nunaannilu UNICEF-ip akornanni suleqatigiis-sutaavoq. UNICEF meeqqat pisinnaatitaaffii pillugit ilinniartitsissutini aningaasaliissuteqartarpoq. Brugseni, Pilersuisoq, Pisiffik aamma Royal Greenland, nerisassiassanik tamanik, meeqqat igaffimmi peqqinnartunik nerisassiornissaminni atugassaannik tunissuteqarnikkut, suliniummik ta-persersuipput.

## KISITSISIT PINGAARNERIT

**Ukioq manna  
illoqarfinni  
qulingiluani  
nunaqarfinnilu 14-  
ini atuarfinni 27-  
ini atuartut 467-it  
nuna tamakkerlugu  
IGASAmi  
peqataapput.**

# Nuna tamakkerlugu meeqqat nalliuttorsiutigineqarput



Meeqqat ulluat nalliussiniarlugu, meeqqat 4.260-it UNICEFimit NAKUU-SAmiillu aaqquissuussamik ColorRun qulequtsiullugu nuna tamakkerlugu arpatsinneqarnerat nalliuttorsiorpalaarlunilu qalipaategaqaq. Ukioq manna nunani tamalaani pinnguarnermik ulloqartitsisalernermi, pinnguarnermik sunngiffimmilu pitsaasunik sammisaqarnermik ukkassinissaq kissaatigaarputtaaq, taamaammallu "Nunarsuarmi pinnguaat pitsaaner-paaq" qulequtsiullugu unammisitsilluta.

NuQi Dance, Inuit Dene Games, Qajaq Nuuk, Nuuk Gymnastik, Kalaal-lit Nunanni Politiit, Tamattaasa, KAK, TAAK kiisalu Isumaginninnermut Aqutsisoqarfik, Nuummi illorsuaq timersortarfimmi sammisassarpas-suarnik pissanganartunik nuannersunillu isumaginnittut peqatigalugit, UNICEF-imit, NAKUUSAmi Inuillu Pisinnaatitaaffiit Institutimit, Nuum-mi Meeqqat Ulluat nalliussineqarportaaq.

Nuummi najukkami ataatsimiititaliaq, Royal Arctic Line, KK Engros, Brug-seni, Inuit – Quality clothes of Greenland, Nunalerinnermut Imminut Pi-lersornermut, Nukissiuutinut Avatangiisinullu Naalakkersuisoqarfik, Meeqqat Ulluanni annertuumik tapersersuipput.

KISITSISIT PINGAARNERIT

**ColorRun  
qulequtsiullugu  
arpatsitsinermi  
atuartut 4.260-it  
peqataaniarlutik  
nalunaarput**





---

meeqqanut tamanut